

四庫全書

集部

欽定四庫全書

御定全唐詩卷六百三十八

張喬

張喬池州人咸通中進士黃巢之亂罷舉隱九華詩二卷

宴邊將

一曲梁州金石清邊風蕭颯動江城座中有老沙場客
橫笛休吹塞上聲

郢州即事

孤城臨遠水千里見寒山白雪無人唱滄洲盡日閑鳥
歸殘燒外帆出斷雲間此地秋風起應隨計吏還

送賓貢金夷吾

一作魚

奉使歸本國

渡海登仙籍還家備漢儀孤舟無岸泊萬里有星隨積
水浮魂夢流年半別離東風未迴日音信杳難期

一作知

華山

誰將倚天劒削出倚天峰衆水背流急他山相向重樹

黏青靄合崖夾白雲濃一夜盆傾雨前湫湫起毒龍

滕王閣

一本下有
寫望二字

昔人登覽處遺閣大江隅

一作創來人世
殊幾度繞汀蘆

疊浪有時有

閑雲無日無早涼先燕去返照後帆孤未得營歸計菱

歌滿舊湖

寄處士梁燭

賢哉君子風諷

一作
誦

與古人同採藥楚雲裏移家湘水

東星霜秋野濶雨電夜山空早晚相招隱深耕老此中

送許棠下第遊蜀

天下猿多處西南是蜀關馬登青壁瘦人宿

一作度

翠微

開帶雨逢殘日

一作火

因江見斷山行歌風月好莫老錦

城間

題終南山白鶴觀

上徹鍊丹峰求玄意未窮古壇青草合往事白雲空仙

境日月外帝鄉

一作城

煙霧中人間足煩暑欲去戀松

一作

清風

贈邊將

將軍誇膽氣功在殺人多對酒擎鍾飲臨風拔劍歌
翻師平碎葉掠地取交河應笑孔門客年年羨四科

弔建州李員外

銘旌歸故里猿鳥亦悽然已葬桐江月空迴建水船
客傳為郡日一作政僧說讀書年恐有吟魂在深山古木邊

送許棠及第歸宣州

雅調一生吟誰為晚達心傍人賀及第獨自却霑襟
宴

別喧天樂家歸礙日岑青門許攀送故里接雲林

送龐百篇之任青陽縣尉

都堂公試日詞翰獨超羣品秩台庭與篇章聖主聞鄉
連三楚樹縣對九華雲多少青門客臨岐共羨君

曲江春

尋春與送春多遶曲江濱一片鳬鷺水千秋輦轂塵岸
涼隨衆木波影逐一作送遊人自是遊人老年年管吹新

秦原春望

無窮名利塵軒蓋逐年新北關東堂路千山萬水人雲
離僧榻曙燕遠鳳樓春荏苒文明代難歸釣艇身

遊華山雲際寺

一作遊少華
山甘露寺

少華中峰寺高秋衆景歸地連秦塞起河陽晉山微晚
木蟬相應涼天鴈並飛殷勤記巖石祇恐再來稀

送碁待詔朴球歸新羅

海東誰敵手歸去道應孤關下傳新勢船中覆舊圖窮
荒迴日月積水載寰區故國多年別桑田復在無

送鄭谷先輩赴汝州辟命

看花興未休已散曲江遊
載筆離秦甸從軍過洛州
嵩雲將雨去汝水背城流
應念依門客蒿萊滿徑

一作目秋

贈敬亭清越上人

海上獨隨緣

一作海畔興窮邊

歸來二十年久閑時得句漸老

不離禪砌木歌臨水窗峰

一作蓬

直倚天猶期向雲裏別

掃石床眠

題

一作遊

靈山寺

樹涼清島寺虛閣敞禪扉四面閑雲入中流獨鳥歸湖
平幽徑近船泊夜燈

一作香

微一宿秋風裏煙波隔擣衣

弔栖白上人

今古遞相送幾時無逝波篇章名不朽寂滅理如何內
殿留真影閑房落貝多從茲高塔寺惆悵懶經過

北山書事

黃河一曲山天半鎖重關聖日雄藩靜秋風老將閑車
輿穿

一作寄

谷口市井響雲間大野無飛鳥元戎校獵還

長安書事

出送鄉人盡滄洲未得還秋風五陵樹晴日六街山有
景終年住無機是處閑何當向雲外免老別離間

送鄭侍御赴汴州辟命

官從諫署清暫去佐戎旌朝客多相戀

一作送

吟僧欲伴

行河冰天際白嶽雪眼前明即見東風起梁園聽早鶯

弔造微上人

至人隨化往遺路自堪傷白塔收真骨青山閉影堂鐘

殘含細韻煙

一作印

滅有餘香松上齋鳥在遲遲立夕陽

經隱巖舊居

一作樓舊遊

夜久村落靜徘徊楊柳津青山猶有路明月已無人夢

寐空

一作生

前事星霜倦此身嘗期結茅處來往躡遺塵

再題敬亭清越上人山房

重來訪惠休已是十年遊向水千松老空山一磬秋石窗清吹入河漢夜光流久別多新作長吟洗俗愁

浮汴東歸

日暖泗濱西無窮岸草齊薄煙衰草樹微月迥城雞水
近滄浪急山隨綠野低羞將舊名姓還向舊遊題

雨中宿僧院

千燈有宿因長老許相親夜永樓臺雨更深江海人勞
生無了日妄念起微塵不是真如理何門靜此身

江行至沙浦

煙霞接杳冥旅泊寄迴汀夜雨雷電歇春江蛟蜃腥城
侵潮影白嶠截鳥行青徧欲探泉石南須過洞庭

送友人歸江南

辛勤同失意，迢遞獨還家。
落日江邊笛，殘春島上花。
親安誠可喜，道在亦何嗟。
誰伴高吟處，晴天望九華。

劉補闕自九華山拜官因以寄獻

冥鴻久不羣，徵拜動天文。
地主迎過郡，山僧送出雲。
登車殘月在，宿館亂流分。
若更思林下，還須共致君。

岳陽即事

遠色岳陽樓，湘帆數片愁。
竹風山上路，沙月水中洲。
力

學桑田廢思歸鬢髮秋功名如不立豈易狎汀鷗

題興善寺僧道深院

江峰峰頂人受法老西秦法本無前業禪非為後身院
栽他國樹堂展祖師真甚願依宗旨求閑未有因

送龍門令劉滄

去宰龍門縣應思變化年還將魯儒政又與晉人傳峭
壁開中古長河落半天幾鄉因勸勉耕稼滿雲煙

送友人往

一作歸

宜春

一作江南

落花兼柳絮無處不紛紛
遠道空歸去
流鶯獨自聞
野橋喧磴水山郭入樓雲
故里南陵一作陵曲秋期更送君

書邊事

調角斷清秋
征人倚戍樓
春風對青塚
白日落梁州
大

漢

一作漢

無兵阻窮邊
有客遊蕃情
似

一作如

此水長願向

南流

送僧雅覺歸東海

一作海東

山川心地內
一念即千重
老別關中寺
禪

一作秋

歸海外

峰鳥行來有路帆影去無蹤幾夜波濤息先聞本國鐘

和薛監察題興善寺古松

薛一作崔

種在法王城前朝古寺名瘦根盤地遠香吹入雲清鶴
動池臺影僧禪雨雪聲看來人旋老因此歎浮生

聽琴

清月轉瑤軫弄中湘水寒能令坐來客不語自相看靜
恐鬼神出急疑風雨殘幾時歸嶺嶠更過洞庭彈

送友人遊蜀

此心知者稀欲別倍相依無食擬同去有家還未歸巴
山開國遠劒道入天微必恐臨邛客疑君學賦非

聞仰山禪師往曹溪因贈

曹溪松下路猿鳥重相親四海求玄理千峰遶定身異
花天上墮靈草雪中春自惜經行處焚香禮舊真

藍溪夜坐

藍水警塵夢夜吟開草堂月臨山靄薄松滴露花香詩
外真風遠人閒靜興長明朝訪禪侶更上翠微房

題鄭侍御藍田別業

秋山清若水吟客靜於僧
小徑通商嶺高窗見杜陵
雲霞朝入鏡猿鳥夜窺燈
許作前峰侶終來寄上層

送友人進士許棠

一本無進士二字

離鄉積歲年歸路遠依然
夜火山頭市春江樹杪船
千

戈愁鬢改瘴癘喜家

一作身

全何處營甘旨潮

一作波

濤浸

薄田

秘省伴直

喬枝聚暝禽，疊閣鎖遙岑。
待月當秋直，看書廢夜吟。
殘薪留火細，古井下一作汲瓶深。
縱欲抄前史，貧難遂此心。

宿昭應

夜憶開元寺，淒涼里巷間。
薄煙通魏闕，明月照驪山。
半壁空宮閉，連天白道閑。
清晨更回首，獨向灞陵還。

送陸處士

樽前放浩歌，便起一作處泛煙波。
舟楫故人少，江湖明月

多。孤峰經宿上，僻寺共雲過。
若向仙巖住，還應著薜蘿。

送韓處士歸少室山

江外歷千岑還歸少室吟地間緱嶺月窗迴洛城砧石

竇垂寒

一作新

乳松枝長別琴他年瀑泉下亦擬置家林

贈初上人

竹色覆禪棲幽禽遶院啼空門無去住行客自東西井
氣春來歇庭枝雪後低相看念山水盡日話曹溪

送新羅僧

東來此學禪多病念佛緣把錫離巖寺收經上海船落

一作
捲

帆敲石火宿島汲瓶泉水向扶桑老知無再少年

題山僧院

谿路曾來日年多與舊同地寒松影裏僧老磬聲中遠
水清風落閒雲別院通心源若無礙何必更論空

書梅福殿壁二首

梅真從羽化萬古是須臾此地名空在西山雲亦孤井
痕平野水壇級上春蕪縱有雙飛鶴年多松已枯

一自白雲去千秋壇月明我來思往事誰更得長生雅

韻磬鐘遠真風樓殿清今來為尉者天下有仙名

荆楚道中

前程曾未到岐路擬何

一本作
已奚

為返照行人急荒郊去

鳥遲春宵多旅夢夏閏遠秋期處處牽愁緒無窮是柳
絲

送南陵尉李頻

重作東南尉生涯尚似僧客程淮館月鄉思海船燈晚
霧看春轂晴天見朗陵不應三考足先授詔書徵

將歸江淮書

一作冬
歸有感

東風搖衆木即有看花期紫陌頻來日滄洲獨去時
郡因兵役苦家為海翻移未老多如此那堪鬢不衰

泐漢東歸

北去窮秦塞南歸遶漢川深山逢古跡遠道見新年
絕壁雲銜寺空江雪灑船縈迴還此景多坐夜燈一作煙前

送蜀客

劒閣緣空去西南轉

一作過第

幾州丹霄行客語明月杜鵑

愁露帶山花落雲隨野水流相如曾醉地莫滯少年遊

塞上

一作塞
下曲

勒兵遼水邊風急卷旌旃絕塞寒

一作陰

無樹

一作草

平沙

勢盡

一作去蓋

天雪晴迴探騎月落控鳴弦永定山河誓南

歸改漢年

一作下營看斗建傳號信狼
煙聖代垂青史當書破虜年

送友人歸袁州

袁江猿鳥清曾向此中行才子登科去諸侯掃榻迎山
藏明月浦樹遶白雲城遠想安親後秋風夢不驚

贈別李山人

分

一作未

合老西秦年年夢白蘋曾為洞庭客還送洞庭

人語別惜殘夜思歸愁見春遙知泊舟處沙月自相親

一作滄浪濯纓

處應念滿衣塵

思宜春寄友人

勝遊雖隔年魂夢亦依然瀑水喧秋思孤燈動夜船
斷虹全嶺雨斜月半溪煙舊日吟詩侶何人更不眠

江行夜雨

江風木落天遊子感流年萬里波連蜀三更雨到船夢

殘燈影外愁積葦叢邊不及樵漁客全家住島田

一作不是

貪名利家

無負郭田

贈仰山大師

仰山因久住天下仰山名井邑身雖到林泉性本清野

一作

雲居

一作看

處盡江月定中

一作時

明髣髴曾相識今

來隔幾生

江南逢洛下友人

洛下吟詩侶南遊只有君波濤歸路見蟋蟀在船聞曉
月江城出晴霞島樹分無窮懷古意豈獨遶湘雲

東湖贈僧子蘭

一作題
蘭上人

名利了無時何人暫訪師道情閒外見心地語來知竹
落穿窗

一作
忽穿

葉松寒蔭井枝匡山許同社願卜挂帆期

隱巖陪鄭少師夜坐

幸喜陪騶馭頻來向此宵硯磨清澗石厨爨白雲樵竹
外村煙細燈中禁漏遙衣冠與文理靜語

一作
話

對前朝

送三傳赴長城尉

一作送前輩讀
三傳任長城尉

登科精魯史為尉及良時高論窮諸國長才併幾司地
傾流水疾山疊過雲遲暇日琴書畔何人對手棋

送李道士歸南嶽

千峰隔湘水迢遞挂帆歸掃月眠蒼壁和雲著褐衣洞
虛懸溜滴徑狹長松圍只恐相尋日人間舊識稀

延福里秋懷

終年九陌行要路跡皆生苦學猶難至甘貧豈有成病

攜秋卷重開著暑衣輕一別林泉久中宵御水聲

題玄哲禪師影堂

吾師視化身一念即遺塵巖谷藏虛塔江湖散學人雲
迷禪處石院掩寫來真寂寞焚香後閑階細草生

登慈恩寺塔

窗戶幾

一作響

層風清涼碧落中世人來往別煙景古今

同列岫橫秦斷長河極塞空斜陽越鄉思天末見歸鴻

送友人東歸

遠涉期秋卷將行不廢吟故鄉芳草路來往別離心挂
席春風盡開齋夏景深子規誰共聽江月上清岑

送僧鸞歸蜀寧親

歌詩精外學天子是知音坐夏宮鐘近寧親劒閣深高
名徹西國舊跡寄東林自此棲禪者因師滿蜀吟

送人歸江南

貧歸無定程水宿興山行未有安親計難為去國情島
煙孤寺磬江月遠船箏思苦秋迴日多應吟更清

將離江上作

白衣歸樹下青草戀江邊
三楚足深隱五陵多少年
寂寥聞蜀魄清絕怨湘弦
岐路在何處西行心渺然

別李叅軍

王孫遊不遇況我五湖人
野店難投宿漁家獨問津
嶺分中夜月江隔兩鄉春
靜想青雲路還應寄此身

送睦州張叅軍

重祿輕身日清資近故鄉
因知送君後轉自惜年芳遠

水分林影層峰起鳥行扁舟此中去溪月有餘光

贈棋僧侶

機謀時未有多向奕棋銷已與山僧敵無令海客饒靜

驅雲陣起

一作出

疎點鴈行遙夜雨如相憶松窗更見招

題湖上友人居

豈得戀樵漁全家湖畔居遠無潮客信閑寄獄僧書野
白梅繁後山明雨散初逍遙向雲水莫與宦情疎

送友人歸宣州

失計復離愁君歸我獨遊
亂花藏道發春水遶鄉流
暝火叢橋市晴山疊郡樓
無為謝公戀吟過曉

一作晚蟬秋

題古觀

急景還衰老此經誰養真
松留千載鶴碑隔六朝人
洞水流花早壺天閉雪春
其如為名利歸踏五陵塵

送友人及第歸江南

豈易及歸榮辛勤致此名
登車思往事迴首勉諸生
路遶山光曉

一作曙

帆通海氣清秋期却閑坐
林下聽江聲

送朴充侍御歸海東

天涯離二紀闕下歷三朝
漲海雖然濶歸帆不覺遙
驚波時失侶舉火夜相招
來往尋遺事秦皇有斷橋

弔前水部賈員外

籠中江海禽日夕有歸心
魏闕長謠久吳山獨往深
別時羣木落終處亂猿吟
李白墳前路溪僧送入林

題一作移小松

松子落何年纖枝長水邊
斲開深一作新澗雪移出遠林

煙帶月棲幽鳥兼花灌冷泉微風動清韻閑聽罷琴眠
寄中岳顓頊先生

先生顓頊後得道自何人松柏卑於壽兒孫老却身夜
窗峰頂曙寒澗洞中春戀此逍遙境雲間不可親

送沈先輩尉昭應

餘才不廢詩佐邑喜開司丹陛終須去青山未可期葉
凋溫谷晚雲出古宮遲若草東封疏君王到有時

送友人遊湖南

所投非舊知亦似有前期路向長江上帆揚細雨時春
生南嶽早日轉大荒遲盡採瀟湘句重來會近期

江上送友人南遊

何處積鄉愁天涯聚亂流岸長羣岫晚湖濶片帆秋買
酒過漁舍分燈與釣舟瀟湘見來鴈應念獨邊遊

江南別友人

勞生故白頭頭白未應休闕下難孤立天涯尚旅遊聽
猿吟島寺待月上江樓醉別醒惆悵雲帆滿亂流

商山道中

春去計秋期長安在夢思多逢山好處少值客行時雲
起爭峰勢花交隱澗枝停驂一惆悵應祇嶺猿知

吳江旅次

行人愁落日去鳥倦遙林曠野鳴流水空山響暮砧旅
途歸計晚鄉樹別年深寂寞逢村酒漁家一醉吟

寄南中友人

相夢如相見相思去後頻舊時行處斷華髮別來新浪

動三湘月煙藏五嶺春又無歸北客書札寄何人

寄績溪陳明府

古邑猿聲裏空城只半存岸移無舊路沙漲別成村鼓
角喧京口江山盡汝濱六朝興廢地行子一銷魂

試月中桂

與月轉洪濛扶疎萬古同根非生下土葉不墜秋風每
以一作向圓時足還隨缺處空影高羣木外香滿一輪中

未種丹霄日應虛玉

一作白

兔宮何當因

一作如何當

羽化細

得問玄

一作神功

遊歙州興唐寺

山橋通絕境到此憶天台
竹裏尋幽徑雲邊上古臺
鳥歸殘照出鐘斷細泉來
為愛澄溪月因成隔宿迴

題詮律師院

院涼松雨聲相對有山情
未許谿邊老猶一作還思嶽頂

行紗燈留火細石井灌瓶清
欲問吾師外何人得此生

金山寺空上人院

已老金山頂無心上石橋講移三楚遍梵譯五天遙板
閣禪秋月銅瓶汲夜潮自暫昏醉客未坐亦通宵

題廣信寺

亭北敞靈溪林梢與檻齊野雲來影遠沙鳥去行低晚
渡明村火晴山響郡輦思鄉值搖落賴不有猿啼

御定全唐詩卷六百三十八

欽定四庫全書

御定全唐詩卷六百三十九

張喬

興善寺貝多樹

還應毫末長始見拂丹霄得子從西國成陰見昔朝勢
隨雙刹直寒出四墻遙帶月啼春鳥連空噪暝蜩遠根
穿古井高頂起涼飈影動懸燈夜聲繁過雨朝靜遲松
桂老堅任雪霜凋永共終南在應隨劫火燒

華山

青蒼河一隅氣狀杳難圖卓傑三峰出高竒四岳無力

疑擎上界勢獨壓中區衆水東西走羣山遠近趨天迴

諸宿照地聳百靈扶石壁煙霞麗

一作藤
蘿細

龍潭雨雹麗

澄凝

一作清涼

臨甸服險固束神都淺覺川原異深應日月

殊鶴歸青靄合仙去白雲孤瀑漏斜飛凍松長倒挂枯

每來尋

一作探

洞穴不擬返江湖儻有芝田種巖間

一作商巖

老一

一作寄野

夫

送何道士歸山

身非絕粒本清羸束挂仙經杖一枝落葉獨尋

一作遠路自隨

流水去深山長與白雲期樹臨丹竈寒花疾壇近清嵐
夜月遲樵客若能隨

一作過

洞裏迴歸人世始應悲

城東寓居寄知己

花木開門苔蘚生涯川特去得吟情病來久絕洞庭信
年長卻思廬岳耕落日獨歸林下宿暮雲多遶水邊行
千時退出長如此頻愧相憂道姓名

再書邊事

萬里沙西寇已平犬羊羣外築空城分營夜火燒雲遠
校獵秋鵬掠草輕秦將力隨胡馬竭蕃河流入漢家清
羌戎不識干戈老須賀當

一作今

時聖主明

遊邊感懷二首

貧遊繚繞困邊沙却被遼陽戰士嗟不是無家歸不得
有家歸去似無家

兄弟江南身塞北鴈飛猶自半年餘夜來因得思鄉夢

重讀前秋轉海書

無題

一作贈友人

九霄無詔下何事觸清塵宅帶松蘿僻身惟猿鳥親吟
看仙掌月期有洞庭人莫問煙霞句懸知見岳神

蟬

先秋蟬一悲長是客行時曾感去年者又鳴何處枝細
聽殘韻在迴望舊聲遲斷續誰家樹涼風送別離

江上逢進士許棠

詩人推上第新榜又無君鶴髮他鄉老漁歌故國聞平
江流曉月獨鳥伴

一作鳥絳

餘雲且了髻年志沙鷗未可羣

送河西從事

結束佐戎旃河西住幾年隴頭隨日去磧裏寄星眠水
近沙連帳程遙馬入天聖朝思上策重待奏安邊

河湟舊卒

少年隨將討河湟頭白時清返故鄉十萬漢軍零落盡
獨吹邊曲向殘陽

促織

念爾無機自有情迎寒辛苦弄梭聲
椒房金屋何曾識
偏向貧家壁下鳴

猿

一作長
安贈猿

挂月棲雲向楚林
取來全是為清音
誰知繫在黃金索

一作
鎖

翻畏侯家不敢吟

寄薦福寺棲白大師

第三句缺一字
第四句缺二字

高塔六街無不見
塔邊名出祇吾師
嘗聞朝客多相

記得 數句詩

越中贈別

東越相逢幾醉眠，滿樓明月鏡湖邊。
別離吟斷西陵渡，楊柳秋風兩岸蟬。

寄清越上人

一作寄山僧

大道一作真性本來無所染，白雲那得有心期。
遠公獨一作猶

刻蓮花漏猶一作獨向空山一作青山禮六時一作山中

宿齊山僧舍

一宿經窗臥白波萬重歸夢隔

一作曉隨
山月出

煙蘿若言不

得南宗要長在禪床事更多

春日遊曲江

日暖鴛鴦拍浪春
蒹葭浦際聚青蘋
若論來往鄉心切
須是煙波島上人

漁家

擁棹思

一作釣
艇去

悠悠更深泛積流

一作煙波
春復秋

唯將一星

一作點

火何處宿蘆洲

送人及第歸海東

東風日邊起草木一時春自笑中華路年年送遠人

題河中鸛雀樓

高樓懷古動悲歌鸛雀今無野燕

一作雀

過樹隔五陵秋

色早水連三晉夕陽多漁人遺火成寒燒牧笛吹風起
夜波十載重來值搖落天涯歸計欲如何

宿洛都門

山川馬上度邊禽一宿都門永夜吟客路不歸秋又晚

西風吹動洛陽砧

對月二首

圓魄上寒空皆言四海

一作遠

同安知千里外不有雨兼

風

盈缺青冥外東風萬古

一作里

吹何人種丹桂不長出輪

枝

贈友人

自說安貧歸未得竹邊門掩小池冰典琴賒酒吟過寺

送客思鄉上灞陵待月夜留煙島客憶雲閒訪翠微僧
幾時獻了相如賦共一作去向嵩山採茯苓

笛

剪雨裁煙一節秋落梅楊柳曲中愁尊前暫借殷勤看
明日曾聞向隴頭

漁者

首戴圓荷髮不梳葉舟為宅水為居沙頭聚看人如市
釣得澄江一丈魚

宿潺湲亭

走月流煙疊樹西聽來愁甚聽猿啼幾時御水聲邊住
却夢潺湲宿此溪

臺城

宮殿餘基長草花景陽宮樹噪村鴉雲屯雉堞依然在
空繞漁樵四五家

寄山僧

閑倚蒲團向日眠不能歸老岳雲邊舊時僧侶無人在

惟有長松見少年

題上元許棠所任王昌齡廳

瑠璃堂裏當時客
久絕吟聲繼後塵
百四十年庭樹老
如今重得見詩人

自詠

每到花時恨道窮
一生光景半成空
只應抱璞非良玉
豈得年年不至公

贈河南詩友

山東令族玉無塵裁剪煙花筆下春不把瑤華借風月
洛陽才子更何人

寄維揚故人

離別河邊綰柳條千山萬水玉人遙月明記得相尋處
城鎖東風十五橋

孤雲

舒卷因風何所之碧天孤影勢遲遲莫言長是無心物
還有隨龍作雨時

詠棋子贈奕僧

黑白誰能用入玄
千回生死體方圓
空門說得恒沙劫
應笑終年為一先

谷口作

巴客青冥過嶺塵
雪崖交映一川春
晴朝採藥尋源去
必恐雲深見異人

寄弟

故里行人戰後疎
青崖萍寄白雲居
那堪又是傷春日

把得長安落第書

春日有懷

高下尋花春景遲
汾陽臺榭白雲詩
看山懷古翻惆悵
未勝遙傳不到時

鷺鷥障子

剪得機中如雪素
畫為江上帶絲禽
閑來相對茅堂下
引出煙波萬里心

甘露寺僧房

臨水登山路重尋旅思勞竹陰行處密僧臘別來高遠
岫明寒火危樓響夜濤悲秋不成寐明月上千舸

宿江叟島居

一家煙島隈

一作上

竹裏夜窗開數派分潮去千檣聚月

來石樓雲斷續澗渚鴈徘徊了得平生志還歸築釣臺

江村

貧遊無定蹤鄉信轉難逢寒渚暮煙濶去帆歸思重潮
平低戍火木落遠山鐘況是漁家宿疎籬響夜春

贈進士顧雲

第二句缺二字
第六句缺一字

潮檻煙波別釣津
西京同獲貧
不知守道歸何日
相對無言盡幾春
晴景遠山花外暮
雲邊高蓋水邊
與君愁寂無消處
賒酒青門送楚人

贈頭陀僧

自說年深別石橋
遍遊靈跡熟南朝
已知世路皆虛幻
不覺空門是寂寥
滄海附船浮浪久
碧山尋塔上雲遙
如今竹院藏衰老
一點寒燈弟子燒

尋陽村舍

荒林寄遠居坐卧見樵漁
夜火隨船遠寒更出郡疎
雪迷登岳路風阻轉江書
寂寞高窗下思鄉歲欲除

江樓作

憑檻見天涯非秋亦可悲
晚天帆去疾春雪燕來遲
山水分鄉縣干戈足別離
南人廢耕織早晚罷王師

回鸞閣寫望

古閣上空半寥寥千里心
多年為客路盡日倚欄吟
山

歷秦川重河來虜塞深回鑾今不見煙霧杳沉沉

題宣州開元寺

誰家煙徑長莓苔金碧虛欄竹上開流水遠分山色斷
清猿時帶角聲來六朝明月唯詩在三楚空山有鴈迴

達理始應盡惆悵僧閒應得話天台

此篇一本題作謝公亭懷古云謝家

煙徑長莓苔半落虛簷竹上開流水不將山色去開雲
時帶竹聲來六朝舊跡遺詩在三楚空山有鴈回達理
始應惆悵盡因僧清話憶天台

題友人草堂

空山卜隱初生計亦無餘三畝水邊竹一床琴畔書深
林收晚果絕頂拾秋蔬堅話長如此何年獻子虛

七松亭

七松亭上望秦川高鳥閑雲滿目前已比子真耕谷口
豈同陶令卧江邊臨崖把卷驚迴燒掃石留僧聽遠泉
明月影中宮漏近珮聲應宿使朝天

題友人林齋

喬木帶涼蟬來吟暑雨天不離高枕上似宿遠山邊簟

冷窗中月茶香竹裏泉

一作煙

吾廬近溪島憶別動經年

經宣城元員外山居

無人襲仙隱石室閉空山
避燒爰猶到隨雲鶴不還
澗荒巖影在橋斷樹陰閑
但有黃河賦長留在世間

經九華山費徵君故居

草堂蕪沒後來往問樵翁
斷石荒林外孤墳晚照中
數溪分大野九子立寒空
煙壁曾行處青雲路不通

題賈島吟詩臺

吟魂不復遊臺亦似荒丘一徑草中出長江天外流
暝煙寒鳥集殘月夜蟲愁願得生禾黍鋤平恨即休

遊南岳

入巖仙境清行盡復重行若得閑無事長來寄此生
澗松閑易老籠燭晚生明一宿泉聲裏思鄉夢不成

尋桃源

武林春草齊花影隔澄溪路遠無人去山空有鳥啼
水垂青靄斷松偃綠蘿低世上迷途客經茲盡不迷

青鳥泉

祇此沉仙翼瑤池似不遙有聲懸翠壁無勢下丹霄淨
瀨煙霞古寒原草木凋山河幾更變幽咽到唐朝

望巫山

溪疊雲深轉谷遲暝投孤店草蟲悲愁連遠水波濤夜
夢斷空山雨電時邊海故園荒後賣入關玄髮夜來衰
東歸未必勝羈旅況是東歸未有期

省中偶作

二轉卽曹自勉旃莎階吟步想前賢不

一作未

如何遜無

佳句若比馮唐是壯年捧制名題黃紙尾約僧心在白
雲邊乳毛松雪春來好直夜清閑且學禪

秋夕

春恨復秋悲秋悲難到時每逢明月夜長起故山思
巷僻行吟遠蛩多獨臥遲溪僧與樵客動別十年期

山中冬夜

寒葉風搖盡空林鳥宿稀澗冰妨鹿飲山雪阻僧歸
夜

坐塵心定長吟語力微
人間去多事何處夢柴扉

宿劉溫書齋

不掩盈窗月天然格調高
涼風移蟋蟀落葉在離騷
迴筆挑燈燼懸圖見海濤
因論三國志空載幾英豪

歸舊山

昔年山下結茅茨村落重
來野徑移樵客相逢悲往事
林僧閑坐問歸期異藤遍
樹無空處幽草緣溪少歇時
此景一拋吟欲老可能文字
聖朝知

潭上作

竹島殘陽映翠微，雪翎禽過碧潭飛。
人間未有關身事，每到漁家不欲歸。

楊花落

北斗南回春物老，紅英落盡綠尚早。
韶風澹蕩無所依，偏惜垂楊作春好。
此時可憐楊柳花，紫盈豔曳滿人家。
人家女兒出羅幕，淨掃玉除看花落。
寶環纖手捧更飛，翠羽輕裙承不著。
歷歷瑤琴舞袖陳，飛紅拂黛憐玉人。

東園桃李芳已歇猶有楊花嬌暮春

九華樓晴望

一夜江潭風雨後九華晴望倚天秋重來此地知何日
欲別殷勤更上樓

終南山

帶雪復銜春橫天占半秦勢奇看不定景變寫難真洞
遠皆通岳川多更有神白雲幽絕處自古屬樵人

哭陳陶

先生抱衰疾不起茂陵間夕臨諸孤少荒居弔客還遺
文禪東岳留語葬鄉山多雨銘旌故殘燈素帳閑樂章
誰與集隴樹即堪攀神理今難問子將叫帝關

長門怨

御泉長繞鳳皇樓自是恩波別處流閑揲舞衣歸未得
夜來砧杵六宮秋

御定全唐詩卷六百三十九

欽定四庫全書

集部

御定全唐詩卷六百

四十三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣范來宗

謄錄監生臣李幽閣

欽定四庫全書

御定全唐詩卷六百四十

曹唐

曹唐字堯賓桂州人初為道士後舉進士不第咸通中累為使府從事詩三卷今編二卷

昇平詞五首

一作薛能詩

瑞氣遶宮樓
皇居上苑游
遠岡連聖祚
平地載神州
會合兼重譯
潺湲近八流
中興豈假問
據此自千秋

寥泚敞延英朝班立位橫宣傳無草動拜舞有衣聲鴛
瓦霜消濕蟲絲日照明辛勤自不到遙見似前程

處處是歡心時康歲已深不同三尺劒應似五弦琴壽
笑山猶盡明嫌日有陰何當憐一物亦遣斷愁吟

日日聽歌謠區中盡祝堯蟲蝗初不害夷狄近全銷史
筆唯書瑞天臺絕見妖因令匹夫志轉欲事清朝

五帝三皇主蕭曹魏邴臣文章唯返朴戈甲盡生塵諫
紙應無用朝綱自有倫昇平不可記所見是閑人

洛東蘭若夜歸

一衲老禪床吾生半異鄉
管弦愁裏老書劍夢中忙
鳥急山初暝蟬稀樹正涼
又歸何處去塵路月蒼蒼

仙都即景

黃帝登真處青青不記年
孤峰應礙日一柱自擎天
石怪長棲鶴雲閒若有仙
鼎湖看不見零落數枝蓮

漢武帝將候西王母下降

崑崙凝想最高峰
王母來乘五色龍
歌聽紫鸞猶縹緲

語來青鳥許從容
風迴水落三清月
漏苦霜傳五夜鐘
樹影悠悠花悄悄
若聞簫管是行蹤

漢武帝於宮中宴西王母

鼇岫雲低太一壇
武皇齋潔不勝懽
長生碧字期親署
延壽丹泉許細看
劒佩有聲宮樹靜
星河無影禁花寒
秋風裊裊月朗朗
玉女清歌一夜闌

劉晨阮肇遊天台

樹入天台石路新
雲和草靜迥

一作細雲
和雨動

無塵煙霞不

省

一作是

生前事水木空疑夢後

一作裏

身往往鷄鳴巖下

月時時犬吠洞中春不知此

一作何

地歸何

一作依

處湏就

桃源問主人

劉阮洞中遇

一作偶

仙子

天和樹色靄蒼蒼霞重嵐深路渺茫雲實

一作寶

滿山無

鳥雀水聲沿澗有笙簧碧沙洞裏乾坤別紅樹枝前日

月長願得花間有人出免

一作不

令仙犬吠劉郎

仙子送劉阮出洞

殷勤相送出天台仙境那能却再來雲液每一作既歸湏

強飲玉書無事莫頻開花當洞口應長在水到人間定
不迴惆悵溪頭從此別碧山明月閉蒼苔

仙子洞中有懷劉阮

不將清瑟理霓裳塵夢那知鶴夢長洞裏有天春寂寂
人間無路月茫茫玉沙瑤草連溪碧流水桃花滿澗香
曉露風燈零落盡此生無處訪劉郎

劉阮再到天台不復見仙子

再到天台訪玉真，青苔白石已成塵。
笙歌冥寞閒深洞，雲鶴蕭條絕舊隣。
草樹總非前度色，煙霞不似昔年春。
桃花流水依然在，一作前不見當時勸酒人。

織女懷牽牛

北斗佳人雙淚流，眼穿腸斷為牽牛。
封題錦字凝新恨，

一作思拋擲金梭織一作結舊愁。桂樹三春煙一作天漠漠，銀

河一水夜一作帶水悠悠。欲將心向一作就仙郎說，借問榆花

早晚秋

王遠宴麻姑蔡經宅

好風吹樹杏花香
花下真人道姓王
大篆龍蛇隨筆札
小天星斗滿衣裳
閒拋南極歸期晚
笑指東溟飲興長
要喚麻姑同一醉
使人沽酒向一作餘杭下

萼綠華將歸九疑留別許真人

九點秋煙黛色空
綠華歸思頗無窮
每悲馭鶴身難任
一作佳長恨臨霞語未終
河影暗吹雲夢月
花聲閒落洞庭風

藍絲重勒金條脫
留與人間許侍中

穆王宴王母於九光流霞館

桑葉扶疎閉日華
穆王邀命宴流霞
霓旌著地雲初駐
金奏掀天月欲斜
歌咽細風吹粉蕊
一作飲餘
清露濕瑤砂
不知白馬紅韉解
偷喫東田碧玉花

紫河張休真

琪樹扶疎壓瑞煙
玉皇朝客滿花前
山川到處成三月
絲竹經時即萬年
樹石冥茫初縮地
杯盤狼籍未朝天

東風小飲人皆醉
從聽黃龍枕

一作拋

水眠

張碩重寄杜蘭香

碧落香銷蘭露秋，星河無夢夜悠悠。靈妃不降三清駕，

仙鶴空成萬古

一作里

愁。皓月隔花追款

一作歎

別瑞

一作飛

煙籠樹省淹留人，

一作有

事堪惆悵

一作遺恨

海色西風

十二樓

玉女杜蘭香下嫁於張碩

天上人間兩渺茫，不知誰識杜蘭香。來經玉樹三山遠，
去隔銀河一水長。怨入清塵愁錦瑟，酒傾玄露醉瑤觴。

遺情更說何珍重
擘破雲鬟金鳳皇

蕭史攜弄玉上昇

豈是丹臺歸路遙
紫鸞煙駕不同飄
一聲洛水傳幽咽
萬片宮花共寂寥
紅粉美人愁未散
清華公子笑相邀
緱山碧樹青樓月
腸斷春風為玉簫

皇

一作黃

初平將入金華山

莫道真遊煙景賒
瀟湘有路入金華
溪頭鶴樹春常在

洞口人家

一作問

日易

一作自

斜一水暗鳴

一作迴

閒遶澗五

雲長往不還家白羊成隊難收拾
喫盡溪邊巨勝花

漢武帝思李夫人

惆悵冰

一作朱

顏不復歸晚秋黃葉滿天飛
迎風細荇傳

香粉隔水殘霞見畫衣
白玉帳寒鴛鴦夢絕紫陽宮遠雁
書稀夜深池上蘭橈歇
斷續歌聲徹

一作接

太微

送羽人王錫歸羅浮

風前整頓紫荷

一作霞

巾常

一作歸

向羅浮保

一作報

養神石

磴倚天行帶月鐵橋通海入無塵

一作津

龍蛇出洞閑邀

雨犀象眠花不避人最愛葛洪尋藥處露苗煙蕊

一作雨

滿山春

送劉尊師祇詔闕庭三首

海風葉葉駕霓旌天路悠悠接上清
錦誥淒涼遺去恨玉簫哀絕醉離情
五湖夜月幡幢濕雙闕清風劒珮輕

從此

一作莫道

暫辭華表柱便

一作已

應千載是歸程

五峰已

一作此

別隔人間雙闕何年許再還既埽

一作拂

山

川收地脉須留日月駐天顏霞觴共飲身雖在風馭難

今

一作

陪跡

一作路

未閑從此枕中唯

一作雖

有夢

一作記

夢魂

何處訪三山

仙老閒眠碧草堂
帝書徵入白雲鄉
龜臺欲署長生籍
鸞殿還論不死方
紅露想傾延命酒
素煙思熱降真香
五千言外無文字
更有何詞贈武皇

三年冬大禮五首

皇帝齋心潔素誠
自朝真祖報升平
華山秋草多歸馬
滄海寒波絕洗兵
銀箭水殘河勢一作影
斷玉爐煙盡日

華生千官整肅三天夜劒佩初聞入太清

海日西飛度禁林太清宮殿月沉沉不聞北斗傾堯酒
空覺南風入舜琴歌壓鈞天閒夢盡詔歸秋水道情深
雪風更起古杉葉時送步虛清磬音

太一天壇降紫

一作大

君屬車龍鶴夜成羣春浮玉藻寒

初落露拂金莖曙欲分三代樂迴風入律四溟歌駐水
成文千官不動旌旗下日照南山萬樹雲

山擁飛雲海水清天壇未夕仗先成千官不起金縢議

萬國空瞻玉藻聲禁火曙然煙

一作看

焰裏宮衣寒拂雪

花輕側聞左右皆周呂看取從容致太平

太和琴暖發南薰水濶風高得細聞滄海舉歌夔是相
歷山迴禪舜為君翠微呼處生丹障清淨封中起白雲
今日病身慙小隱欲將泉石勒移文

暮春戲贈吳端公

年少英雄好丈夫大家望拜執

一作從又作漢

金吾閑眠曉日

聽鶗鴂笑倚春風仗

一作杖

轆轤深院吹笙聞

一作從

漢婢

靜街調馬任奚奴牡丹花下

一作外

簾鉤外

一作下

獨凭紅

肌

一作關

將虎鬚

奉送嚴大夫再領容府二首

海風捲樹凍嵐消憂國寧辭嶺外遙
自顧勤勞甘百戰不將功業負三朝
劒澄黑水曾芟虎箭劈黃雲慣射鵰
代北天南盡成事宜將心許霍嫖姚

日照雙旌射火山

嶺表錄云梧州西有火山山下有澄潭無底山頭夜見火二尺如野燒然廣

十餘丈或言水中有寶珠也焰如火山笑迎賓從却南
產荔枝四月子丹以其地熱故曰火山

還風雲暗發談諧外
感會潛生氣槩間
斬竹水翻臺榭濕
刺桐花落管弦閑
無因得覩真珠履
親從新侯定八蠻

贈南嶽馮處士二首

白石溪邊自結廬
風泉滿院稱幽居
鳥啼深樹斲靈藥
花落閑窗看道書
煙嵐晚過鹿裘濕
水月夜明山舍虛
支頤冷笑緣名出
終日王門強曳裾

寂寥深木閉煙霞
洞裏相知有幾家
笑看潭魚吹水沫

醉嗅溪鹿吃蕉花穿廚歷歷泉聲細繞屋悠悠樹影斜
夜靜著灰封釜竈自添文武養丹砂

題子姪書院雙松

自種雙松費幾錢頓令院落似秋天能藏此地新晴雨
却惹空山舊燒煙枝壓細風過枕上影籠殘月到窗前
莫教取次成閒夢使汝悠悠十八年

羽林賈中丞

四十年前百戰身曾驅虎隊掃胡塵風悲鼓角榆關暮

日暖旌旗隴草春
鐵馬慣牽邀上客
金魚多解乞佳人
胸中別有安邊計
誰睬髭鬚白似銀

送康祭酒赴輪臺

灞水橋邊酒一杯
送君千里赴輪臺
霜黏海眼旗聲凍
風射犀文甲縫開
斷磧簇煙山似米
一作火野營軒地鼓
如雷分明會得將軍意
不斬樓蘭不擬迴

南遊

盡興南遊卒未迴
水工舟子不須催
政思碧樹關心句

難放紅螺蘸甲杯漲海潮生陰火滅蒼梧風暖瘴雲開
蘆花寂寂月如練何處笛聲江上來

哭陷邊許兵馬使

北風裂地黯邊霜戰敗桑乾日色黃故國暗迴殘士卒
新墳空葬舊衣裳散牽細馬嘶青草任去佳人弔白楊
除却陰符與兵法更無一一作異物在儀牀

和周侍御買劍

將軍溢價買吳鉤要與中原靜冠讐試挂窗前驚電轉

略拋床下怕泉流
青天露拔雲霓泣
黑地潛擎鬼魅愁
見說夜深星斗畔
等閑期尅月支頭

病馬五首呈鄭校書章三吳十五先輩

騄駼

一作綠耳

何年別

一作到

渥洼病來顏色半泥

一作塵

沙四

蹄不鑿金

一作銀

砧裂雙眼慵開玉筋

一作燭

斜隨月兔毛

乾轂轅

一作輕斛荻

失雲龍骨瘦牙槎

一作查牙

平原好放

一作牧

無人放嘶向秋風
苜蓿花

隴上沙蔥葉正齊
騰黃猶自踞羸蹄
尾蟠夜雨紅絲脆

頭掉一作秋風白練低力憊未思金絡腦影寒空望錦

障泥階前莫怪一作垂雙淚一作不遇孫陽不敢一作宵又

作嘶

不剪焦毛鬣半翻何人別一作是古龍孫霜侵一作病

骨無驕氣土蝕驄花見臥痕未噴斷一作雲歸漢苑曾

追輕一作練過一作吳門一朝千里心猶在爭一作誰

肯潛忘一作秣飼恩

空被秋風吹病毛無因濯浪刷洪濤臥來總怪龍蹄踞

阻一作瘦盡誰驚虎口高追電有心猶款段逢人相骨強

嘶號欲將髻一作髻重裁剪乞借新成一作戒利鉸刀

病久無人著意看玉一作五華衫一作毛色欲凋殘飲驚白

露泉花冷啖怕清秋一作風荳葉寒長襜敢辭紅錦重舊

韉寧畏紫絲蟠王良若許相擡策千里追風也不難

長安客舍叙一作懷邵陵舊宴寄永州蕭使君五

首

邵陵佳一作樓樹碧蔥蘢河漢西沈一作星流宴未終殘漏五

更傳

一作掀

海月清笳三會揭天風香熏舞席雲鬟綠光

射頭

一作盤

蠟燭紅今日却懷

一作思

行樂處兩床絲竹

水

一作小

樓中

不知何路却

一作學

飛翻虛受賢侯鄭重恩五

一作午

夜清

歌敲玉樹

一作筋

三年洪飲倒

一作竭

金尊招攜永

一作每

感

雙魚在

一作遠

報荅空知

一作思

一劍存狼籍梨花滿城月

當時長醉信陵門

粉堞

一作雉

形

一作丹

軒畫障西水雲紅樹窄璇題鷓鴣

欲

一作影

絕歌聲定鵲鵲初驚

一作身翻

舞袖

一作翅

齊坐對玉

山空

一作難

甸線細聽金石怕低迷東風夜月

一作月下

三年

飲不省非時

一作未歸時

不似泥

木魚金

一作銅

鑰鎖春

一作重

城夜上紅

一作江

樓縱酒情竹

葉

一作箭

水簾更漏促桐花風軟管弦清百分散打銀船

溢十指寬催玉筯輕星斗漸稀賓客散碧雲猶戀豔歌

聲

三年身逐漢諸

一作楚公

侯賓榻容居最上頭飽聽笙歌陪

痛

一作夜

飲熟尋雲水

一作樹

縱閒遊朱門鎖閉煙嵐暮鈴

紫

一作

閣清冷

一作涼

水木秋月滿前山圓

一作風

不動更邀

詩客上高

一作醉南

樓

勗劒

古物神光雪見羞未能擊出恐泉流暗臨黑水蛟螭泣

潛倚空山鬼魅愁生怕雷霆號澗底長聞風雨在牀頭

垂情不用將閑

一作麻注云此移切

氣惱亂司空犯斗牛

仙都即景

蟠桃花老華陽東軒后登真謝六宮旌節暗迎歸碧落
笙歌遙聽隔崆峒衣冠留葬橋山月劒履將隨浪海風
看却龍髯攀不得紅霞零落鼎湖空

望九華寄池陽杜員外

戴月早辭三秀館遲明初識九華峰
差差玉劒寒鉞利裊裊青蓮翠葉重
竒狀却疑人畫出嵐光如為客添濃
行春若到五溪上此處褰帷正面逢

御定全唐詩卷六百四十

欽定四庫全書

御定全唐詩卷六百四十一

曹唐

小遊仙詩九十八首

玉簫金瑟發商聲
桑葉枯乾海水清
淨埽蓬萊山下路

一作地上略邀王母話長生

上元元日豁明堂
五帝望空拜玉皇
萬樹琪花千圃藥
心知不敢輒形相

騎龍重過玉溪頭紅葉還春碧水流
省得壺中見天地壺中天地不曾秋

眞王未許久從容
立在花前別甯封
手把玉簫頭不舉
自愁如醉倚黃龍

金殿無人鎖絳煙
玉郎並不賞丹田
白龍蹀躞難迴跋
爭下紅綃碧玉鞭

玄洲草木不知黃
甲子初開浩劫長
無限萬年年少女
手攀紅樹滿殘陽

宮闕重重閉玉林
崑崙高闕彩雲深
黃龍掉尾引郎去
使妾月明何處尋

風滿塗山玉蕊

一作葉

稀赤龍閒臥鶴東

一作閒

飛紫梨爛

盡無人喫何事韓

一作蘇

君去不歸

武帝徒勞厭暮年
不曾清淨不精專
上元少女絕還往
滿竈丹成白玉煙

百辟朝回閉玉除
露風清宴桂花疎
西歸使者騎金虎
彈鞍垂鞭唱步虛

南斗闌珊北斗稀茅君夜著紫霞衣朝騎白

一作獨乘青鹿

趁朝去鳳押笙歌逐

一作隨後飛

焚香獨自上天壇桂樹風吹玉簡寒長怕嵇康乏僊骨

與將僊籍再尋看

冰屋朱扉曉未開誰將金策扣瓊臺碧花紅尾小僊犬

閒吠五雲喚客來

酒醺

一作澆

春濃瓊

一作瑤

草齊真公飲散醉如泥朱

一作玉

輪軋軋入雲去行到半天聞馬嘶

白石山中自有天竹花藤葉隔

一作滿

溪煙朝來洞口

一作

裏圍碁了賭得青龍直幾錢

海水西飛照柏林青雲斜倚錦雲深水風暗入古山葉
吹斷步虛清磬音

玉詔新除沈侍郎便分茅土鎮東方不知今夕游何處
侍從皆騎白鳳凰

洞裏煙霞無歇時洞中天地足金芝月明朗朗溪頭樹
白髮老人相對碁

飢即餐霞悶即行一聲長嘯萬山清穿花渡水來

一作能

相訪珍重多才阮步兵

東妃閑著翠霞裙自領笙歌出五雲清思密談誰第一
不過邀取小茅君

月影悠悠秋樹明露吹犀簾象床輕嬪妃久立帳門外
暗笑夫人推酒聲

九天天路入雲長燕使何由到上方玉女暗來花下立
手按裙帶問昭王

玉皇賜妾紫衣裳教向桃源嫁阮郎
爛煮瓊花勸君喫恐君毛鬢暗成霜

花底休傾綠玉卮雲中含笑向安期
窮陽有數不知數大似人間年少兒

玉色雌龍金絡頭眞妃騎出縱閑遊
崑崙山上桃花底一曲商歌天地秋

偷一作來洞口訪一作等劉君緩步輕擡玉線一作綠繡裙細

擘一作細拍桃花逐流水更無言語倚彤雲

西漢夫人下太虛九霞裙幅五雲輿欲將碧宇相教示
自解盤囊出素書

天上雞鳴海日紅青腰侍女掃朱宮洗一作灑花烝葉瀝

清酒待與夫人邀五翁

汗漫真遊實可奇人間天上幾一作與人知周王不信長

生話空使萇弘碧淚垂

青錦縫裳綠一作白玉璫一作襠滿身新帶五雲香閑依碧

海攀鸞駕笑就蘇君覓橘嘗

鶴不西飛龍不行露乾雲破洞簫清少年僊子說閑事
遙隔彩雲聞笑聲

洞裏煙深木葉麤乘風使者降玄都隔花相見遙相賀
擎出懷中赤玉符

芝蕙一作草芸花爛漫春瑞香煙露濕衣巾玉童私地誇

書札偷寫雲謠暗贈人

天上邀來不肯來人間雙鶴又空回秦皇漢武死何處
海畔紅桑花自開

紫羽麾幢下玉京却邀真母入三清白龍久住渾相戀
斜倚祥雲不肯行

鶴叫風悲竹葉疎誰來五嶺拜雲車人間肉馬無輕步
踏破先生一卷書

夜降西壇宴已終花殘月榭霧朦朧誰遊八海門前過
空洞一聲風雨中

忘却教人鎖後宮還丹失盡玉壺空嫦娥若不偷靈藥
爭得長生在月中

賜谷先生下宴時月光初冷紫瓊枝淒清金石揭天地
事在世間人不知

共愛初平佳九霞焚香不出閉金華白羊成隊難收拾
喫盡溪頭巨勝花

酒盡香殘夜欲分青童拜問紫陽君月光悄悄笙歌遠
馬影龍聲歸五雲

海樹靈風吹彩煙丹陵朝客欲昇天無央公子停鸞轡
笑泥嬌妃索玉鞭

八景風回五鳳車崑崙山上看桃花若教使者沽春酒
湏覓餘杭阿母家

叔卿遍覽九天春不見人間故舊人怪得蓬萊山水
半成沙土半成塵

欲飲尊中雲母漿月明花裏合笙簧更教小奈將龍去
便向金壇取阮郎

海上桃花千樹開麻姑一去不知來遼東老鶴應慵惰
教探桑田便不回

昨夜相邀宴杏壇等閒乘醉走青鸞紅雲塞路東風緊
吹破芙蓉碧玉冠

雲鶴冥冥去不分落花流水恨空存不知玉女無期信
道與留門却閉門

采女平明受事回暗交丹契錦囊開欲書密詔防人見
佯喝青虬使莫來

太一元君昨夜過碧雲高髻綰婆娑手擡玉策紅於火
敲斷金鸞使唱歌

碧瓦彤軒月殿開
天花落瑞風來
玉皇欲著紅龍袞
親喚金妃下手裁

長房自貴解飛翻
五色雲中獨閉門
看却桑田欲成海
不知還往幾人存

赤龍

一作紫雲

停步彩雲飛
共道眞王

一作皇

海上歸千歲紅

桃

一作千載桃花

香破鼻玉盤盛
出與金妃

碧海靈童夜到時
徒勞相喚上瓊池
因循天子能閑步

縱與青龍不解騎

且欲留君飲桂漿
九天無事莫推忙
青龍舉步行千里
休道蓬萊歸路長

侍女親擎玉酒卮
滿卮傾酒勸安期
等閒相別三千歲
長憶水邊分棗時

萬歲蛾眉不解愁
旋彈清瑟旋門遊
忽聞下界笙簫曲
斜倚紅鸞笑不休

去住樓臺一任風
十三天洞暗相通
行廚侍女炊何物
滿竈無煙玉炭紅

風動間

一作寒

天清桂陰水精簾箔

一作外

冷沉沉西妃少

女多春思

一作春思亂

斜倚彤雲盡日吟

王母相留不放回偶然沉醉臥瑤臺憑君與向蕭郎道
教著青龍取妾來

絳節笙歌繞殿飛紫皇欲到五雲歸細腰侍女瑤花外
爭向紅房報玉妃

聞君新領八霞司此別相逢是幾時妾有一觥雲母酒
請君終宴莫推辭

方士飛軒駐

一作佳

碧霞酒寒

一作香

風冷月初斜不知誰

唱歸春

一作春歸

曲落盡溪頭白葛

一作玉

花

方朔朝來到我家欲將靈樹出丹霞三千年後知誰在
擬種紅桃待放花

水滿桑田白日沉凍雲乾霰濕重陰遼東歸客閑相過
因話堯年雪更深

朝回相引看紅鸞

一作泉

不覺風吹鶴氅偏好是興來

一作

好見騎白鶴

一作鵲

文妃為伴上重天

一作旋昇天

公子閑吟八景文
花南拜別上陽君
金鞭遙指玉清路
龍影馬嘶歸五雲

一百年中是一春
不教日月輒移輪
金黿頭上蓬萊殿
唯有人間鍊骨人

笑擎雲液紫瑤觥
共請雲和碧玉笙
花下偶然吹一曲
人間因識董雙成

東皇長女沒多年
從洗一作洒金芝到水邊
無事伴他棋

一局等閒輸却賣花錢

紅草青林日半斜

一作隨

小鳳出彤霞

一作路

尋舊

路

一作故舊

過西國

一作谷

因得水園一尺

一作顆

瓜

樹下星沉月欲高
前溪水影濕龍毛
洞天雲冷玉

一作五

花發公子盡披雙錦袍

紫水風吹劒樹寒
水邊年少下紅鸞
未知百一窮陽數

略請先生止的看

武皇含笑把金觥
更請霓裳一兩聲
護帳宮人最年少

舞腰時挈繡裙輕

瓊樹扶疎壓瑞煙
玉皇朝客滿花前
東風小飲人皆醉
短尾青龍枕水眠

彤閣鐘鳴碧鷺飛
皇君催熨紫霞衣
丹房玉女心慵甚
貪看投壺不肯歸

崑崙山上自

一作白

雞啼羽客爭昇碧玉梯
因駕五龍看

較藝白鸞功用不如妻

沙野先生閉玉虛
焚香夜寫紫微書
供奉童子閒無事

教判瓊花餵白驢

雲隴瓊花滿地香
碧沙紅水遍朱堂
外人欲壓長生籍
拜請飛瓊報玉皇

玉洞長春風景鮮
丈人私宴就芝田
笙歌暫向花間盡
便是人間一萬年

青童傳語便須回
報道麻姑玉藥開
滄海成塵等閑事
且乘龍鶴看花來

絳樹彤雲戶半開
守花童子怪人來
青牛臥地喫瓊草
知道先生朝未回

石洞沙溪二十年向明杭日夜朝天白礬煙盡

一作水裏

銀冷不覺小龍牀下眠

紫微深鎖敞丹軒太帝親談不死門從此百寮俱拜後
走龍鞭虎下崑崙

雲衫玉帶好威儀三洞真人入奏時頻着金鞭打龍角
為嗔西去上天遲

太子真娥相領行當天合曲玉簫清梨花新折東風軟
猶在緱山樂笑聲

洞裏月明瓊樹風畫簾青室影朦朧香殘酒冷玉妃睡
不覺七真歸海中

青苑紅堂壓瑞雲月明閒宴九陽君不知昨夜誰先醉
書破明霞八幅裙

東溟兩度作塵飛一萬年來會面稀千樹梨花百壺酒
共君論飲莫論詩

滄海令拋即未能且緣鸞鶴立相仍蔡家新婦莫嫌少
領取真珠三五升

溪影沉沙樹影清人家皆踏五音行可憐三十六天路
星月滿空瓊草青

北斗西風吹白榆穆公相笑夜投壺花前玉女來相問
賭得青龍許贖無

九天王母皺蛾眉惆悵無言倚桂枝悔不長留穆天子
任將妻妾住瑤池

暫隨鳧伯縱閑遊飲鹿因過翠水頭宮殿寂寥人不見
碧花菱角滿潭秋

新授金書八素章玉皇敎妾主扶桑與君一別三千歲
却厭僊家日月長

八海風涼水影高上卿敎製赤霜袍蛟絲玉線難裁割
須借玉妃金剪刀

海上風來吹杏枝崑崙山上看花時紅龍錦襜黃金勒
不是元君不得騎

絳闕夫人下北方細環清珮響丁當攀花笑入春風裏
偷折紅桃寄阮郎

又遊仙詩一絕

見唐詩紀事

靖節先生幾代孫
青娥曾接玉郎魂
春風流水還無賴
偷放桃花出洞門

題武陵洞五首

此生終使此身閒
不是春時且要還
寄語桃花與流水
莫辭相送到人間

溪口回舟日已昏
却聽雞犬隔前村
殷勤重與秦人別
莫使桃花閉洞門

却恐重來路不通殷勤回首謝春風
白雞黃犬不將去
且寄桃花深洞中

桃花夾岸杳何之花滿春山水去遲
三宿武陵溪上月
始知人世有秦時

渡水傍山尋絕壁白雲飛處洞天開
仙人來往無行跡
石逕春風長綠苔

句

斬蛟青海上射虎黑山頭

見紀事

簫聲欲盡月色苦依舊

漢家宮樹秋 一曲哀歌茂陵道漢家天子葬秋風

誰知漢武無仙骨滿竈黃金成白煙

以上見張
為主客圖

御定全唐詩卷六百四十一

欽定四庫全書

御定全唐詩卷六百四十二

來鵠

一作鵠

來鵠豫章人詩思清麗咸通中舉進士不第詩一卷

聖政紀頌

并序

穆宗皇帝臨大朝與羣臣言奏政事羣臣退而宰
臣奏曰陛下問及乎政事此三皇五帝之所徽美
也陛下不問及史臣此三皇五帝之所弭已也徽

美者將有乎聞也弭已者將有乎亡也以聞之而
又亡之則陛下徒有宵衣旰食之名規天條地之
績與羣臣言後若飈然拂冠過冕湮時銷日無得
用於後譬如十夫樹楊一夫拔之無得以成其大
也政事羣臣得陛下日問之是十夫樹楊也史官
執筆為陛下日遠之是一夫拔楊也使後之人訝
聖朝空晨虛夕閑殿曠廷無君臣咨謀洋溢之言
乏社稷安危強讜之說是不亦遠史臣致不載其

事如拔去其楊將弭已之謂乎臣伏念貞觀永徽
之代百官之有耳目但聽視天子而已故言事者
安論紆詞無疑權慮勢史官執筆於階之下天子
側旒於殿之上奏者發誠於廷之中是以正衙一
開則臣誠前而啟之帝旒近而鎮之史筆隨而絡
之由是君臣謀國圖政之事俞機都要之言詫業
發神豐編照物偕籍於堯典差光於天陽至今見
太宗文德若三皇五帝之所徽美也自永徽之後

宰執不正窺伺是忌針棘前後阻越對啟狼噬虎
食持膏銜肉蓋以言多為己曾不致君內荏失中
畏使人聽乃奏史官與百僚俱退然後宰臣請事
由是君有問而宰臣知之史官不得與於聞君有
舉而宰臣謀之史官不得記其事次第周行檢錄
制誥與冗吏同工而已臣嘗涕泣以歎豈有以一
己之細一性之忌於泰畧圭景之間苟嗜急湏迴
天遮上使聖緒神績嘉啟善諷因得聞於千萬年

枉有謂明朝空晨虛夕閑殿曠廷無君臣咨謀洋
溢之言乏社稷安危強讜之說若今踵而承之則
不唯臣有障聰蔽睿之刺抑陛下雖有三皇五帝
之所徽美而若遠史臣則三皇五帝之所弭已也
抑又有一夫拔楊之謂歟臣請史官執筆當羣臣
奏事隨日撰錄號為聖政紀臣立朝荷祿幸甚穆
宗皇帝動宸頤旒旒然歎曰吁朕罔敢粉名厥後
乃因知厥後然聖人存簡策者亦非以粉名也蓋

存乎大國之典鴻祖之業我國有典我祖有業業
在於典典在於史曷厥史不書是尸余於祖涸業
於典也朕纘承聖緒恭惟恪思將念厥政未嘗不
離安廢酣馳荒驚遠是以每與宰臣言如簇天下
一巡省每見宰臣退而展天下盡聞知豈圖臣蓄
猾謀公無同事欲弄尾舌先衛廢穴隔斥史臣占
佞明后致懿搜嘉訪不存堯典之書善諷名猷莫
出清廟之什史臣負我不舉其官宰輔盡忠厥聞

有此由是詔史職執史筆立於廷之下錄君臣臚
句之必行載剛毅進退之敢議題其篇目曰聖政
紀也至上之即位三年有鄉校小臣來鵠居山澤
間常私心重惜史臣以其史臣者是當國之鏡千
億代之矚目也因窺穆宗實錄得解憤釋嫉於立
史官為聖政紀者追而誦出其事以鑒今之廷列
故拜獻頌曰

三皇不書五帝不紀有聖有神風銷日已何教何師生

來死止無典無法頑肩冐比三皇實作五帝實治成天
造地不昏不圯言得非排文得聖齒表表如見者莫若
乎史是知朴繩休結正簡斯若君誥臣箴觚編毫絡前
書後經規善鑒惡國之大章如何寢略嗚呼貞觀多吁
永徽多俞廷日發論殿日發謨牙孽不作烏鼠不除論
出不蓋謨行不紆楹然史臣蛇然史裾瞠瞠而視逶逶
而窺翹筆當面決防納污不枯爾智不息我愚執言直
注史文直敷故得粲粲朝典落落廷謨聖牘既多堯風

不淺頌編坦軸君出臣顯若儼見旒若俯見冕無閒殿
曠廷無尸安素宴三皇不亡五帝不翦太宗得之史焉
斯展暨乎後相圖身天子專問我獨以言史不得近丘
明見嫌倚相在擯秉筆如今隨班不進班退史歸惘然
疇依奏問莫覩嘉謨固稀取彼誥命祿為國肥烱哉時
皇言必成章德宣五帝道與三皇如何翌臣嚙肉嗜血
甯距磨扶楅衡拘長控截僚位占護陽光垣私藩已遠
史廋唐俾德音嘉訪默縮暗亡咽典噤法蓋聖籠昌曷

以致此史文不張後必非笑將來否臧謂乎殿空展逸
朝憎廷荒不知姦蔽文失汪洋有貞觀業有永徽綱亦
匪匪見亦寢匪彰賴有後臣斯言不佞伊尹直心太甲
須聖事既可書史何不命乃具前欺大陳不敬曰逐史
之喻請以物竝且十夫樹楊一夫欲競栽既未牢握豈
能盛帝業似栽逐史似握穆宗憮然若疚若營昔何臣
斯隱我祖正不傳親問不寫密諍孰示來朝以光神政
由是天呼震吸徵奔召急史題筆來叱廷而入端耳抗

目不撓不挹獬豸側頭蠅蚪擺溼握管絕怡當殿而立
君也盡問臣也倒誠磊磊其事鏜鏜其聲大何不顯細
何不明語未絕緒史已錄成謂之何書以政紀名伊紀
清芬可昭典墳古師官烏昔聖官雲方之我后錄里書
分錄有君法書有君文君法君文在聖政紀云殿無閑
時廷無曠日雲諏波訪倦編刳筆君劬臣勞上討下述
惟勤惟明在聖政紀出至德何比至教焉如孰窺孰測
外夷內儲謂君有道乎臣有謨歟有道有謨在聖政紀

書一體列秩同力翼戴祈福去邪絕防無礙國章可披
唐文可愛善咨不偷嘉論不蓋不偷不蓋在聖政紀載
諒夫總斯不朽可懸魏闕愚得是言非訕非伐實謂醫
臣渾沌開君日月妖物零死天文光發惟我之有頌兮
奚斯躍而董狐登

宛陵送李明府罷任歸江州

菊花村晚雁來天共把離觴

一作杯

向水邊官滿便尋垂

釣侶家貧已用賣琴錢浪生湓浦千層雪雲起爐峰一

炷煙倘見吾鄉舊知己為言顚顚過年年

清明日與友人遊玉粒

一本無粒字

塘莊

幾宿

一作度

春山逐

一作共

陸郎

袁術常呼陸績為陸郎

清明時節好

煙風

一作

光歸

一作細

穿細

一作綠

荇船頭滑醉踏殘花屐齒

香風急嶺雲飄

一作翻

迥野雨餘田水落方塘不堪吟罷

東

一作重

回首滿耳蛙聲正夕陽

寒食山館書情

獨把一杯山館中每經時節恨飄蓬侵階草色連朝雨

滿地梨花昨夜風
蜀魄啼來春寂寞
楚魂吟後月朦朧
分明記得還家夢
徐孺宅前湖水東

病起

春初一臥到秋深
不見紅芳與綠陰
窗下展書難久讀
池邊扶杖欲閑吟
藕穿平地生荷葉
笋過東家作竹林
在舍渾如遠鄉客
詩僧酒伴鎮相尋

鄂渚除夜書懷

鸚鵡洲頭夜泊船
此時形影共淒然
難歸故國干戈後

欲告何人雨雪天
筋撥冷灰書悶字
枕陪寒席帶愁眠

自嗟落魄

一作拓

無成事
明日春風又一年

鄂渚清明日與鄉友登頭陀山

冷酒一杯相勸頻
異鄉相遇轉相親
落花風裏數聲笛

芳草煙中無限人
都大此時深悵望
豈堪高處

一作境

更

逡巡思量費子
真仙子不作頭陀山下塵

蠶婦

曉夕採桑多苦辛
好花時節不閑身
若教解愛繁華事

凍殺黃金屋裏人

題廬山雙劍峰

倚天雙劍古今開
三尺高於四面山
若使火雲燒得動
始應農器滿人間

雲

千形萬象竟還空
映水藏山片復重
無限旱苗枯欲盡
悠悠閑處作奇峰

金錢花

也無稜郭也無神露洗還同鑄出新青帝若教花裏用
牡丹應是得錢人

曉雞

黯黯嚴城罷鼓鼙數聲相續出寒栖不嫌驚破紗窗夢
却怕為妖半夜啼

山中避難作

山頭烽火水邊營鬼哭人悲夜夜聲唯有碧天無一事
日還西下月還明

早春

新厯才將半紙開
小庭猶聚爆竿灰
偏憎楊柳難鈴轄
又惹東風意緒來

鷺鷥

裏絲翹足傍澄瀾
消盡年光佇思間
若使見魚無羨意
向人姿態更應閑

子規

兩恨花愁同此冤
啼時聞處正春繁
千聲萬血誰哀爾

爭得如花笑不言

新安官舍閒坐

寂寞空階草亂生
簟涼風動若為情
不知獨坐閒多少
看得蜘蛛結網成

除夜

事關休戚已成空
萬里相思一夜中
愁到曉雞聲絕後
又將顛顚見春風

游魚

弄萍偎荇思夷夷猶掉尾揚鬐逐慢流應怕碧巖巖下水
浮藤如線月如鉤

鸚鵡

色白還應及雪衣
背紅毛綠語仍奇
年年鎖在金籠裏
何似隴山閒處飛

偶題二首

近來靈鵲語何疎
獨凭欄干恨有殊
一夜綠荷霜翦破
賺他秋雨不成珠

水邊箕踞靜書空
欲解愁腸酒不濃
可惜青天好雷電
只能驅趁懶蛟龍

惜花

東風漸急夕陽斜
一樹夭桃數日花
為惜紅芳今夜裏
不知和月落誰家

洞庭隱

高臥洞庭三十春
芰荷香裏獨垂綸
莫嫌無事閑銷日
有事始憐無事人

古劍池

秋水蓮花三四枝
我來慷慨步遲遲
不決浮雲斬邪佞
直成龍去欲何為

梅花

枝枝倚檻照池冰
粉薄香殘恨不勝
占得早芳何所利
與他霜雪助威稜

聞蟬

綠槐陰裏一聲新
霧薄風輕力未勻
莫道聞時總惆悵

有愁人有不愁人

賣花謠

紫艷紅苞價不同
匝街羅列起香風
無言無語呈顏色
知落誰家池館中

子規

月落空山聞數聲
此時孤館酒初醒
投人語若似伊淚
口畔血流應始聽

句

回眸綠水波初起合掌白蓮花未開

觀懺會夫人
見墨莊漫錄

御定全唐詩卷六百四十二